

ЛЕНИН'Я

ВКП(б)-лэн УАССР-ысь Вавожской райкомезлэн горсоветлэн органы

1940 аре
воскресенье
22 сентябре
№ 59 (582)

8-тй арзэ потэ

Кын улэ гыронэз дырыз-дыр'я зечлыко быдэстоно

Кын улэ гыронлэн, та важной агротехнической мероприятилэн бадзым значениез табере котькуд колхозниклы, колхозницалы годмо инн. Со луонлык сэтэ муз'емян трос люканы культурной будос'ёслы снон-юон, тулыс валэс юосты кизёнэз но бусы уж'ёсты капчатэ.

Вань агротехнической мероприятности, соос пöлын ик кын улэ гыронэз но куро жыжыосты вуштонэз шонер быдэс'яса, районьсыгмы тросэз колхоз'ёс арлы быдэ снимаськимон ю нянь басьто. Г-Пудга сельсоветысь "Георгиевск", Б-Докья сельсоветысь Красинлэн нимыныз ниам колхоз'ёс котькуд гектарысь 80-ысен 100 пудозь ю-тысь басьто.

Таё зеч ю-нянь бюджетны быгатовы котькудаз колхозын, если шонер быдэс'язы ке агротехнической мероприятиослэсь быдэс комплексэс. Однако, тросэз колхоз кивалт'исёс, земельной органысь кивалт'исёс сое та дырозь валаллямтэ на. Кын улэ гырон план та берло ар'ёсы районамы быдэс'ятэк кыле. Уката ик кылем арын кын улэ гырон план чылкак 30 процентлы гинэ быдэстэмьш вал.

Кулэ вал колхозысь но районьсь кивалт'исёслы туэ кын улэ гыронэз дыраз но туж усто быдэстыны понна зэмос нюр'ясыкыны. 1940 ар-лэн 19 сентябре кын улэ гыронлэн мынэмез сярись сводкаез районьсь партийной, советской но земельной орган'ёслэсь кылем аре лэсьтэм янгыш'ёссэс лыдэ басьтымтэ-зэс но туэ янгыш'ёсты нош ик лэсьтэмзэс возматэ. Быдэсак районь кын улэ гырон план 5 процент сяла быдэстымтэ на.

Ср-Волковской сельсоветысь Чужьялово, Александрово, Ср-Волково, Р-Вари,

Б-Пельга, Б Уча, Б-Можга сельсоветысь М-Скалгурт, Сишур, Сосново колхоз'ёс кын улэ гыроны оз кутскылэ на. Брызгаловской сельсоветын быдэсак 3 гектар гыремын. Малькинской, Воинпельгинской сельсовет'ёс но кын улэ гыронэн ляб кивалто.

Ма бордын таё бере кылэнлэн мугез. Муг со бордын, что данаказ колхоз'ёсын та дырозь быдтымтэ на ужысь очередность. Сельскохозйственной уж'ёсты огзылэсь огзэ люкыса быдэс'яло, нош ваньзэ чош шонер рад'яса быдэс'яныз палэнэ кельто. Таё ужам котькудзэ ужез бере кыске. Сыёе ужлэсь пайдатэмзэ валаны кулэ вылэм инн.

Кын улэ гыронэз дырызлэсь азлы быдэстыны районьны условис вань. Машинно тракторной станцияс зол тракторной паркен располагать каро. Беда луэ сонз, что МТС-лэн трактор'ёсыз колхоз'ёсыч мыдлань уже кут'иско. Яке сбриськыса, яке воксё ужатэк уло. Кылсарысь, Ср-Волковской сельсоветын 7 трактор зег кизем тырысь ужатэк сылэ, нош МТС-ын ужас'ёс татчы оз ветлэ на. Вал'ёсын чик уг гыро.

1-тй октяброзь 19500 гектар кын улэ гыроно, районлэн туэ арын сыёе планэз. Туэ 4 ноябре Удмуртиысь калык праздновать кароз республикамылэсь 2) ар тырмон юбилейзэ. Со юбилеез выль вормон'ёсын пумиган выльсь социалистической соревнование, кудйз кутскыз Ижевскысь машиностроительной заводьсь стахановец'ёслэн отемзья, нуналысь-нуналэ паськыт вöлме. Веранэз озбл, сельскохозйственной уж'ёсты быдэстонын но та соревнование бадзым кужым сётос.

Комиссия умой ужа

Карсинской сельской советлэн исполкомезлэн школьной комиссиез умой дасяны быгатиз Липинерской, Курчумской начальной школас-ты.

Комиссилэн председателез Новоселов ужзэ яратэ.

Валов.

Ижевской машиностроительной заводьсь стахановец'ёслэн слетсылэн Удмуртской АССР-ысь вань ужас'ёслы, ужась нылкышнослы, колхозник'ёслы, колхозницаослы но советской интеллигенцилы вазись-кемзы сярись

Удмуртской АССР-лэн Совнаркомезлэн но ВКП(б) Обкомлэн бюроезлэн пунктэмзы

Ужлэсь производительностьсэ вылэ жутон сярись, стахановец'ёслэсь но ударник'ёслэсь рад'ёсэс изьскытатон сярись, предприятиосын дополнительной продукция поттон сярись, 1940 ар-лэсь хозяйственной план'ёссэ быдэс'ян но мултэсэн быдэс'ян сярись Ижевской машиностроительной заводьсь стахановец'ёслэн слётсылэсь Удмуртской АССР-ысь вань ужас'ёслы, ужась нылкышнослы, колхозник'ёслы, колхозницаослы, советской интеллигенцилы вазиськемзэс обсудить карыса, Удмуртской АССР-лэн Совнаркомез но ВКП(б) Обкомлэн бюроез, стахановец'ёслэсь машиностроительлэсь инициативазэс одобрять карыса, пунктэ:

1. Трудящойёслэн депутат'ёссылэн Совет'ёссылэн вань исполком'ёсылы, ВКП(б)-лэн райком'ёсылы но горком'ёсылы, республиканской, районной, городской но сельской учреждениослэн но организациослэн кивалт'исёссылы косоно стахановец'ёслэн-машиностроительёслэн слетсылэсь вазиськемзэс паськыт обсудить карыны фабрикаослэн, заводёслэн, предприятиослэн, колхоз'ёслэн, учреждениослэн но организациос-Удмуртской АССР-лэн Народной Комиссар'ёсылэн Советсылэн председателез А. ТРОНИН.

лэн коллектив'ёслэн собранияосазы.

2. Трудящойёслэн депутат'ёссылэн Совет'ёссылэн исполком'ёссылы ВКП(б)-лэн райком'ёссылы но горком'ёссылы стахановской движениез эшшо но паськыт вöлмытон вамен организовать кароно ваньмаз предприятиосын, завод'ёсын, колхоз'ёсын, учреждениосын но организациосын нуналысь-нуналэ нюр'яскон 1940 ар-лэсь хозяйственной план'ёссэ дырызлэсь азлы быдэс'ян но мултэсэн быдэс'ян понна, добиваться карысконо выль зечлыко продукция поттыны, бракез копаксэ быдтыны, производствын пунктэно чурит контроль но юн дисциплинна.

3. Удмуртской АССР-лэн Совнаркомез но ВКП(б) Обкомезлэн бюроез оско, что Удмуртиысь ужас'ёс, ужась нылкышноос, колхозник'ёс, колхозницаос но интеллигенция стахановец'ёслэн—машиностроительёслэн отемзылы огмылкыдын вазиськозы, аслаз кызь ар тырмонэз азэлы Удмуртской республика лыктоз куиньметй сталинской пятилеткалэсь задачаоссэ быдэс'янын эшшо но бадзымесь вормон'ёсын.

ВКП(б)-лэн Удмуртской Обкомезлэн секретарез А. ЧЕКИНОВ.

Призывез дасяськыса пумитаз

Б-Можга колхозысь призывник П. Соловьев—активной но дисциплинированной стахановец Сое колхоз котькыёе гинэ уже мед ыстоз, котькытын нормзэ мултэсэн быдэс'я Ю сктон-калтонлэн сезоназ со туэ 108 гектар выльсь жатка-самосброскаен араз. Призыв нуналэз Соловьев эш чидатэк витиз.

— Мынам 4 оборонной значоке,—шуэ Соловьев эш.—Красной Армии бадзым гордостен мын'иско но родинамылэсь священной границаоссэ возманы котькуд минутэ дась. Часте вуэм берам ик военной техникаез по-стахановски изучать каро.

В. Кобылин.

Призывной комиссиын

Призывной пунктлэн корказ пырем бере ик призыве лыктэм егит'ёс глазной врач Минеев эш доры пыро. Соос врачлэн небытэсь кыл'ёсын вераськемезлы ваньзы ик паймо. Со егит'ёсты учкон куспаз гинэ уно портэм беседаос ортчыт'я.

Минеев эшлэн синмаськимон уж'ёсыз син шорын. Азь-

ло дыр'я уноез егит'ёс трахомаен но портэм син висён'ёсын армилэсь кыльвайзы. Туэ районьсыгмы призывник'ёс пöлысь одйг мурт но трахомаен кельтэмьш озбл.

Минеев эш Удмуртилэсь 20 ар тырмон годовщиназэ выль подарокеи пумита.

В. Ч.

АЗВЕСЬ ЗОР

Толэзь талэсь азьло „Известий“ потйз Горьковской областысь Мещеры гуртысь корреспонденция. Солэн авторез ивортйз, кызы куазь зорон дыр'я, сильтёл потыса, муз'ем вылэ усыйлызы пичиесь азвесь пластинкаос (вечи вуж укёос).

Заметка потйз трос вазиськон. Лыдзисьёс юалляськызы, кызы тёл быгатэ жутины удельной весэз'я омырлэсь унолы секут луись арберности.

Инкуазьын смыр пельтон'ёс сярэсь асьмелэн туалла тодэм'ёсмы вамен луэ валэктны та, нырысь чакласа, абдрамон кадь потйсь явленнесь.

Уж со бордын луэ, что тёл ноку но уг пельты чылкак горизонтальной направления. Омыр тулкым'ёс чем дыр'я кылдыто тёлпери, ма дыр'я тулкым'ёслэн направленизы туж жог вош'яське. Бадзым жоглыкэн мынон дыр'яз тёл шбдйськымон зйбе аслаз сюрес вылаз шедем тйрлык'ёс вылэ: „кужмо“ тёллэн давлениез одйг квадратной метрын 16 килограммы чоша, „штормовоезлэн“—40 килограммозь, нош „ураганной“ тёллэн давлениез 100 килограммлэсь но ятыр луэ. Валамон, сиче кужымен тёл быгатоз интысьтыз сэрпалтыны но валлань зйр'яса тубон дыр'яз омыре

жутины трослы секут луись тйрлык'ёсты. Омыре жутон потэ со бордысь, кыче жоглыкэз тёллэн, кыче формаез но секталаез тйрлыклен: тёл уз быгаты жутины пичи гинэ быгылес кортэз, нош со понна быдэс корт липет'ёсты кыдэке нуыса кошкылэ.

Куазь зорон азын тужгес но кужмо луо валлань бергаса тубись тулкым'ёс. Литератураын гожтэмын сиче факт'ёс, кукке тёл жутылыз пёртэм арберности, пудо живот'ёсты но даже адымиосты.

Чакламын сиче случайёс, кукке инмысь усыйлызы тёлпериен жутом чорыг'ёс но эбек'ёс; кбняке ар талэсь азьло Тамбов дорын жутокиз туж бадзым тёлпери но одйг чыпетысь вань вуэз омыре кыскиз, собере возь вамен потон дыр'яз омыре валэз жутиз. США-ын смерч дыр'я омыре быдэс пу корка жутомын вал. Омырын со корка куашказ но, бакча сьбры „инмысь усыйлызы“ корка кор'ёс. Байдарыин (Крым) тёлпери жутиз постаз сыйлысь часовоез но усыйтыз сое кыремлэн мукет палаз.

Озымен, Мещеры гуртын азвесь пластинкаос усем сярэсь ивортэм но кыче паймымон луыны уг быгаты.

Профессор
А. Лондис.

Всеобучез быдэстон—важнейшой задача

Всеобуч культура ласянь социалистической революцины самой бадзым инты басьтэ. Соин ик руководящей но партийной орган'ёс РОНОлэсь, школаослэн заведующийёссылэсь но вань дышетйсь коллективлэсь куро, что бы вань дышетсконо пинал'ёсыз дышетсконон охватить карыны. Озы ке но кудог директор'ёс но школаослэн заведующийёссы всеобучез быдэстон понна кулээз'я уг ужало.

1 сентябре дышетскыны 5322 пинал'ёс лыктоно вал, нош ветлызы 5097 дышетскисьёс гинэ. Дышетскыны кутсконон нырысетй нуналаз ик 225 дышетскисьёс оз ветлэ. Кылсярэсь, Брызгаловской НСШ-ын 33 но Чужьяловской начальной школаын 14 пинал'ёс школае оз ветлэ. Та школаослэн кивалтйсьёссы тужгес ик ляб кивалто.

Туэ арын 77 пинал'ёс начальной дышетсконон охватить карытэк кельтэмын. Кылсярэсь, Н Бинской начальной школая 10, Водзи-

монской НСШ 9, Брызгаловской НСШ 8 пинал'ёс уг дышетскс.

Ма муген туэ 77 пинал'ёс дышетскытэк кылэ?

Соос пото кудог директор'ёслэн но школаослэн заведующийёссы всеобучез быдэстон понна мылзы потытэк ужам бордысь. Нош кудог пинал'ёс бубыоссы мумыоссы школае лэзымтэнызы уг дышетско, озы ке но одйг директор но школаослэн заведующийёс соосыз 1940 арын 2 мартэ потэм закон'я судебной ответственность уэ оз кыске.

Школаослэн кивалтйсьёссы пинал'ёслы дышетскыны мешать карисьёсын ултйаськыса но либерально относится карисько. Кылсярэсь, Силки но гуртысь Лысов Иван, Ильин Александр 2 пиналзэс диськут овёл шуыса дышетскыны уг лэзыло, пинал'ёсэс асьсэ интые пастушить карыны косо. Та адымослы али но но кыче ужрад кутымтэ на.

Т. Пролееза.

Продуктаосты дасяны большевистской саклык

ВИС'ЯНО

Партилэн но правительство-лэн „Сельскохозяйственной продук'ёсты октон-калтон но дасян сярэсь“ постановлениязы верамын: „Тупатано, что интысь партийной, советской но заготовительной организациос город'ёсысь но промышленной центр'ёсысь калыкез сйзыл, толалтэ но тулыс азель картошкаен, бакча сионэн но емыш'ёсын обеспечить карон понна, озы ик пёртэм емыш'ёсты, губиосты но чечы дасянез организовать карон но кулээз мында запас кылдытон понна быдэсак ответственность нуо“.

Та продуктаосты дасян асьме районын чидантэм ляб мынэ. Сельхозпродуктаосты дасялэн ляб мынэмезлэн мугез со бордын, что интысь партийной, советской но заготовительной организациос та ужлы саклыкэс тырмыт уг вис'яло, калыкы оз валэктэ продуктаосты дасян'я правительственной планэз быдэстонлэсь значенизэ.

Райпотребсоюз озы ке но вань сельпоослэн правлениоссылы но отделениоссылы незаконно Кировской области эмезь дасяны план'ёс ыстылыз.

Сельсовет'ёслэн исполком'ёссылэн но колхоз'ёслэн кивалтйсьёссы озы ик бездействовать каро, партилэсь но правительстволэсь та важнейшой решенизэ уж вылын уг быдэс'яло. Районысьтымы уноез колхоз'ёс заготпунктэн государстволы сйль тырон планлэн чотаз тылобурдо, бакча сион'ёс, емыш'ёс, губи, чечы сётон сярэсь договор'ёс заключить оз каре на.

Талэсь пёртэм ик уг мыны бадьпу но кыз сул'ёсты, цветной но сьбд металл'ёсты дасян. Райпотребсоюз ку сярэез дасяны но басынны но саклыкэз ичи вис'я.

Кутсаськон машина сылэ

Туэ арын Удмурт Вари колхоз валэс уг октон-калтонзэ кылем ар'ёсы сярэсь азылон быдэстйз. Октэм ю нянез дырыз-дыр'я но кыче ыштонтэк кутсано.

Та колхозэ Волипельгинской МТС сложной молотиказэ кутсаськыны ыстйз, нош та машина 13 сентябрьсен 20 сентябрьозь 120 цент-

Оглом вераса Вавожской районысь кооперация аслаз инициативаеныз сельхозпродуктаосты, сьбд но цветной металл'ёсты дасян'я ужэз развертывать уг кары, нош районной организациослэн кивалтйсьёссы кооперациез „вунэтйллям“, лэся, хозяйственно-политической задачаосты быдэстон шоры кампанейски учко, заготовкаослэсь план'ёсэс быдэстонэз кулэен уг лыд'яло. Заготовкаосын вань уж'ёсын чош ик кивалтоно.

А. Трефилов.

ОГПУ-лэн нимыныз лямма колхоз (Шахунской район, Горьковской область) зеглэсь вылы урожайзэ басытйз—гкга-рысь 100 пуд. Кутсам но складэ кысътэм ю тысез возьма самой умой колхозник С. Ф. Козлов.



Сторож С. Ф. Козлов склад'ёсты возьманын.
ТАСС-лэн Фотоз.

ВАНЬ ЗАОЧНИК'ЁСЛЫ

„Ленин'я“ газетлэн редакциез 27 сентябре 6 часэ жытазе вань заочник'ёсты—бордгазет'ёслэсь редактор'ёсэс но рабселькор'ёсты одйг нунал'ем семинаре оте. Вань заочник'ёс возьматэм нуналэ но дыре одно ик семинаре лыктоно луо.

РЕДАКЦИЯ.

Отв. редактор Е. Кореланова.